



Qasigianniguit, ulloq 8. september 2015

Inatsisartut suleriaasianni § 37 najoqqutaralugu Naalakkersuisunut apeqquateqaat saqqummiuppara:

### Apeqqut:

1. Nuna tamakkerlugu qanoq suliassaqarfiit nunallu immikkoortortaqarfiisa agguaqatigiisillugu allattorsimaneri agguarneqarsimappat, tamatumani inuussutissarsiutit ingerlanneqarnerini nuna tamakkerlugu ”aalisarneq piniarneq nunalerinerlu”?
2. Suliassaqarfiit nunallu immikkoortortaqarfiini agguaqatigiisillugu allattorsimaneri tamatumani isertitanut tunngasuni suliffiit amerlassusaani nunatta karsianut aammalu kommunit karsiinut qanoq agguarneqarsimappat ”aalisarneq piniarneq nunalerinerlu” inuussutissarsiutit ingerlanneqarnerisa iluini?
3. Suliassaqarfiit nunallu immikkoortortaqarfiini agguaqatigiisillugu allattorsimaneri inuussutissarsiutit suliffissat amerlassusaat qanoq inissisimappat ”aalisarneq piniarneq nunalerinerlu” pineqartillugit nuna tamakkerlugu?
4. ”Aalajangersimasumik aaqqissusseqqinnissat” kiap siuttuuffigissavai kommuninik aaqqissusserit nutaat pineqartillugit, tamatumani Naalakkersuisut § 37 apeqquateqaat nr. 197/3-mi akissuteqaatigisaanni eqqaaneqartumi?
5. Kommunini aaqqissusseqqinnissani nutaani iliuusissat sivisuumik ingerlanneqartussani nunap aningaasaqarnikkut ataatsimut isigalugu inissisimanissaani Naalakkersuisunit isumakulunnartineqarpat imaluunniit siunertamut naapertuutinningsunik imaluunniit iluaqutissanik Naalakkersuisut eqqarsaasersuuteqarpat – taamaassimappat suut?
6. Naalakkersuisut § 37-imik apeqquateqaammut nr 197/12-imut akissuteqaatimini allappaat ’Tamakkiisumilli ilisimatitsissutigineqarsinnaavoq kommunit kattussuutinnikkallarmata kommunit ataasiakkaat arlallilluunniit akuttunngitsumik nakkutigineqartariaqartarnikuummata, tamakku ilaatigut kommunit mikivallaarneranik aammalu sulisunik pingaartumik aningaasanik aqutsinissamik piginnaasaqarluartunik atorfinitsiniartarnermikkut ajornartorsiuteqartarnerannik.’ Tamanna Naalakkersuisuni isumakulunnartinneqarpa imaluunniit eqqarsalersitsiva kommuninik agguataareqqinnissani taama ittunik nutaamik agguataareqqinnissani kommuninik minnernik pilersitseqqittoqarnissaanik kinguneqarsinnaanera?

(Inatsisartunut ilaasortaq, Sara Olsvig, Inuit Ataqatigiit)

## **Tunngavilersuut:**

Tunngavilersuutinni iserfigeriikkattut § 37 atorlugu apeqquteqaat nr 197 pisorta qarfinni immikkoortorta qarfiit aqqissuussaanerini naliliinerit pillugit apeqquteqaammi aallavigerpiagara tamatumani kommuninik nutaamik aqqissuussinissani pilersaarutit naligiissaarinissanilu kiisalu kommunini aqqissuusseqqinnissani nalilersuutigineqartut paasissutissat ilisimasaqarfigineqarnissaani toqqammaviusut pingaaruteqarmata oqallinissanilu tunngavissatut pingaaruteqarmata, aammalu suleqatigiinnissani ammasumik siunertanilu naapertuuttumik oqaloqatigiinnissani pingaaruteqarlutik.

Naalakkersuisut § 37 apeqquteqaammi akissuteqarnermi Naalakkersuisut siulittaasuat aalisarnermi piniarnermi nunalerinermilu paasissutissat aggulunneqarnerisa ilusaasa apeqquteqaatini akissuteqarnissi ajornarsisikkaat tunngavilersuutigalugu innersuussutigivai, taamaammallu apeqquteqaatit nutaamik oqaasertalerlugit nassuteqqippakka, nalilersuutit qanoq ilusilersorneqarneri aallaavigalugit immikkoortiterneqarnerilu aallaavigalugit.

Erseqqissaassutigissavara apeqquteqaatit siunertamik naapertuuttunut atugassiatut suliarineqarlutik siunnerfeqarneri. Inuit Ata qatigiinnit isumaqarpugut paasissutissat piviusunillu aallaavillit paasissutissat oqallinnerni ilaatigut kissaammersimaarfiusuni kommunit aqqissuunneqaqqinnissaani suliassanilu ingerlanneqartussani naligiissaarinissallu suliarineqarnerini tunngaviusariaqartut.

Neriutigivara Naalakkersuisut apeqquteqaatit ilassilluarumaaraat pingaaruteqartunut eqqartugassanilu egeersimaartumik siunertamullu naapertuuttumik oqaloqatigiinnerni peqataassasut.

Akissutit ullut suliffiusut qulit qaangiutinnginnerini tunniunneqarnissaat qinnutigineqarpoq.